

慈谿縣志卷三十一

列傳八 國朝一

國朝一

潘平格字用微

四庫提要存目作用微

幼

讀書不與凡

兒伍事大母至孝

毛

自強撰傳蚤失怙恃

成童時卽以豪傑自

詡志

義

我優爲之十七歲

有必爲聖賢之志因從事程朱

之學

求慚痛交迫者久之

○毛傳二十歲從事程朱之學

○毛傳二十歲從事程朱之學

當下知孔曾一貫之道其論爲學之要必須立明明德於天下之

欲大學之格物物是身家國天下格是格通人我格物之學卽孟

子強恕反求擴充四端體認親切篤志力行者有年乃筆之書以

授其徒自謂剖析精微與堯舜禹湯文武周孔顏曾思孟之道若

圖書館
院圖書章

慈谿縣志卷三十一

列傳八 國朝一

國朝一

潘平格字用微

○四庫提要存目作用微

幼端重不與凡兒伍事大母至孝

毛

自強撰傳蚤失怙恃

成童時卽以豪傑自命謂忠孝節義我優爲之十七歲

有必爲聖賢之志因從事程朱之學竭力參求慚痛交迫者久之

○毛傳二十歲從事程朱之學鄉里友朋輒迂之越五年從事王羅之學後又從事老莊者半年從事禪學者二年因念程朱王羅之學旣不合于孔孟二氏之學益不已親證渾然天地萬物一體合矣乃慚痛交迫是時年三十有八

當下知孔曾一貫之道其論爲學之要必須立明明德於天下之

欲大學之格物物是身家國天下格是格通人我格物之學卽孟

子強恕反求擴充四端體認親切篤志力行者有年乃筆之書以

授其徒自謂剖析精微與堯舜禹湯文武周孔顏曾思孟之道若

合符節其深信不疑如此

○鄭性撰潘子求仁錄序潘子以求仁爲宗以萬物一體爲仁表裏無間終始

一貫余幼聞先子稱其學甚貫

至今門人在崑山者尙守其師說

穿今從老友毛孝章得而讀之云○雍正府志。山陰縣志少負至性孤介特立孜孜講學不爲貧

窶困寓居山陰十載每勸人首先立志云。崑山新陽合志順治中就婁東陳瑚招同講學崑山與朱用純諸士儼爲友歸莊周同谷輩悉奉教稱弟子平格守身嚴毅清修苦節其學以渾然萬物同體爲宗歲大旱居民五更汲井爭一瓶水致擊傷數人或強平格登壇祈雨平格伏赤日中誦孝經忽陰雲四合大雨立沛縣令欲請見竟棹舟去之

俞志學字習之號繼川曾祖淮得慈湖不起意之旨教行霅水中

歲而殂祖相邃於心學署縣令龍德孚折節訪之辭不見爲題碧

山高隱而去父鵬諸生學正桂茂枝稱其學行不愧經人兩師志

學其長子也治生致素封以分兩弟仲弟傾所分輒復予之慷慨

重然諾聲聞翕然家居色養承懽母老失明宛轉扶掖之母歿哀

慕終其身三世外家皆藉以有立子駿六龍同歲成諸生捐個人

兩年田租之半及舊負若干崇正十五年歲饑催科愈迫別貯百金以周親族士友之急次年再饑道殣相望爲糜於永明寺夾田橋二所多所存活入

國朝自順治五年薦饑五歲穀每石至銀二兩已困已空從郡中購一萬九千石半價以糶已而官督平價又購一萬石定爲銀五錢五分一意好施類如此先是有攫所藏二十金者志學追獲仍予之終不露其姓名其後羣盜肆掠昏時有自外告者曰盜將至第謹守無恐問爲誰不答已而盜至則又聞沮之者曰此善人家不可入卽舍去終不知爲誰度必前攫金者也中憲沈翹楚奉政錢茂秦參議馮侯主事胡亦堂微時皆資志學膏火各有詩文志之侯從征廣西上志學義行請旌未下而侯卒志學亦卒時年七

十有八

史大成
撰墓志

王用光字顯明天性孝友言動有準的爲文力追左國以毛詩教授吳越閒日惟研窮經史爲事子嗣皋官桂林府知府贈如其官

雍正志。按王氏譜用光綸裔生萬厯二年卒順治二年天啟初宗伯孫慎行疏請錄功臣後綸以征蠻功當廕用光兄已官通判用光當承之輒杜門引避用光蓋明季人舊志列入國朝以其膺昭代封典也今仍之

王嗣皋字德邁王氏譜傳號述齋用光子順治五年鄉試第一明年成進

士譜傳官禮部主事大兵徇交廣嗣皋從征桂林底定卽以爲知府兵

燹後民多逃亡嗣皋撫以安靜已而大區蠻梗化俘百人將就戮

嗣皋以脅從出之在任督修省城不辭勞勤以病歸雍正府志周曾發傳嗣

皋工詩古文兼通數學孫源夏歲貢生官天台教諭雍正志

錢茂秦字沃皆子引忠撰行述原名世吉字吉人號季參入國朝改今名順治三年舉於鄉時年六十有三矣

順治六年進士知延川縣當兵燹後城無居民加意招徠流民稍

集會姜瓖構釁大軍征勦飛輓盡職雍正府志周曾發傳時年七十餘矣艱苦備嘗耄而勤

上官憐之陞平陽同知所隸惟鹽課驛馬晨起視事事卽立辦秉正守

約淡然無營以老乞歸年八十有八

雍正志

董應華字英卿年十三而孤伯欲奪母志母子依外家避之業酤爲養晨起入肆午必以一酒一菽盡母歡以父喪未葬研究堪輿家言卒得吉壤其後家計稍裕嘗歲暮索負見妻死無以殮者解所服綈袍贈之短衣而歸

家傳

董日烱字函葵

○家傳號遲仙

以諸生從征入平南王尙可喜幕謀畫多

中要害委署廣東增城縣時巨寇肆逆日烱至賊遮道不能進諭

以禍福皆散去乃召父老詢之知徵調差徭爲患於是議立爬平

法夙弊頓清民無不均之歎邑素苦盜日烱出片紙諭之負固跳

梁者皆投見遵約束境內稱平

○廣州府志日烱爲政和平寬大民受其福他如罷供億省刑蠲耗

凡有益於民者悉心爲之令行禁止胥吏不敢爲惡又加意作人嘗進邑中士子談經課藝多所啟發

邑有虎患日

玠誓於神患遂寢後有爲虎所噬者皆盜賊也

廣東通志○家傳士民爲著格天錄

在任僅十閱月以失銓吏歡左遷河南偃師縣丞日惟吟詠講學一時名士多從之遊尋告歸杜門課諸孫以終

周曾發字世培

○雍正志號芑穀曹州府志作杞瞻

明參議旋之後

○雍正志旋曾孫

旋子

士贊孫夢得兩世俱以孝友稱

自有傳

曾發中順治六年進士授庶

吉士戶科給事中剛直敢言時大工興疏請停工作以節用度

○雍正

正志時荒祲疏入得如所請

吳三桂入川擅威福委署州縣不一復疏劾之西

征軍餉開銷不實疏陳冒濫之弊再陳戰船採木累民

○雍正志條陳墓木

爲艦之累請嚴驛傳考課之法

直聲大著改禮科

○雍正志磨勘文卷矢公評閱請託不行

用兵後各

省多以灾祲告曾發疏言有司之踏勘宜速開報之分數當清左

都御史魏象樞嘗稱曾發蹇蹇謬謬不媿言官會劉正宗入相復

疏論之遂出爲山東兗東道副使

○雍正志作兗西兵備道

曹濮多盜曾發開

其自新就撫者二百餘人不悛者發兵剿之復斬數十人盜遂解

散河流潰決民有流亡者曾發勞來安集流民復業

○雍正志進多士拔其尤

得蕭鳳鳴何覲等十數人皆成名士○曹州府志為兵憲聰察孤峻部中無敢欺者月再課士凡所賞拔多科第尤善折獄明刑詰奸絕無姑息吏民畏服值以忤當道被劾歸川陝用兵薦起軍前

効用

○史大成保舉疏

皇上念恢復之後撫理需材諭臣

等保舉所知周曾發外任山東兗西道潔已愛民賢聲甚著止因中軍放債被參以該道失於覺察引重例革職臣見其罷官以來家徒四壁課子讀書不干外事臣不勝敬慕倘蒙使過之仁責其後効謝不往雍正終養二十餘年養生送死禮無不備家居富有可觀

壁立如故高年杖策林下惟以課子讀書為樂

雍正志

子近梁自有

傳

馮侯字英人順治六年進士是年粵東李成棟叛侯為副使巡視

海道

○雍正府志周曾發傳侯以進士超授潮惠兵巡道僉事

會大帥統師抵粵

○雍正志大軍征兩廣授

侯僉事

平南韶等郡

○廣州府志約束軍伍叛眾望風投款

及抵廣州相度機宜先

以一軍取三水從化等縣旋平廣州傳檄各鄉堡禁掠子女籍廬

舍未幾偽陽春伯范承恩據城叛僕遣人曉以利害又密運大礮

震其西關承恩不知所爲遂潰廣州復安其去也人咸思之祀名

宦廣東通志○按雍正志僕隨征東粵賊堅壁不降我師營城外日夕荆棘中練士卒備芻糧撫卹瘡痍招集流散以勞瘁卒於

官語微異當以廣東通志爲正

費緯社○淄川縣志字支嶠順治六年進士知山東淄川縣縣西

崖有賈被殺於野而妻縊於家緯社往檢視集詰里人盜莫可迹

久之坐縣堂催科周成呈銀其祢刺屯字與賈尸衣底布祢同從

容問成居去西崖幾里盜所殺賈識之乎成色變刑之盡吐其實

始賈妻嘗祢裏簪珥自姻家歸遺於路成拾之夜踰垣入挾所拾

私之要後期不可脅之則曰吾夫多病且暮死而從汝耳成乃還

簪珥袖祢去明日誘賈殺之夜復踰垣告其妻妻大哭成遁妻遂

縊至是以祢裏銀而事覺置成於理胡成馮安相狎不相能安飲

成家酒酣成出銀數百大言曰昨吾至南山殺大賈取其財投其屍於井矣安以告緯祉收成鞠之則醉中妄語也銀乃鄭倫寄以買田者詰倫語合將釋之而南山井中竟探得無頭屍緯祉下成獄納屍井中招屍主有婦投牒言夫何甲負貲行賈爲成所殺出屍井中果甲也婦卻立而號詰成以頭不能對募有能得甲頭者以殮則歸婦銀且判醮無何里人王五以甲頭求賞賞之復下令願妻甲婦者妻之王五應而出於是緯祉呼婦前問曰汝知殺汝夫者邪對曰胡成緯祉笑曰非也殺汝夫者汝與王五耳成銀自有主而甲衣皆敗絮豈大賈哉屍在井中何以知爲汝夫見屍而懼哭而不哀非汝殺之而誰吾欲得同謀者故令得頭而殮殮而醮汝王五豈敢以頭至哉汝與若急欲爲夫婦而懼有他變也皆服論如律釋胡成而以誣告罪馮安緯祉後知陝西武功縣

集○按費氏譜緯社徙府城錦帶橋新修鄞縣志已采入列傳今按緯社以慈谿籍釋褐例得著錄其兄明祭酒緯祥及鄞志本傳附從孫光業非慈谿籍者刪之

馮紹元號乾初官淳安縣學教諭○職官表順治八年任自奉清苦於瓦礫

中出貲建明倫堂功尤表著合庠祀之菁莪祠淳安縣志○海甯志順治五年由歲

貢生任海甯訓導

馮應時爲人誠樸率性而行以業儒教授多所造就邑令王繡舉

賓筵應時以高年純篤與焉雍正志

胡永藩字翼華績學好古授經外郡遇古書籍輒以所得脩脯購

之故家甚貧而積書至富曰以俟能讀之者子天相業治生嘗之

上虞道拾遺金留三日遺金者哭而返詢之蓋陳姓爲後母所逐

其父私與之百金治生理者也還之其人拜謝而去又鄰人夫婦

貧而病疫親戚咸走避天相持藥餌療治少差復與之飲食至愈

而止天相子亦堂自有傳

雍正志

胡亦堂字質明

○據谿上詩輯補

號二齋

○雍正志亦堂天相子生而穎悟幼承祖永藩教永藩喜曰吾

蓄書有用矣○撫州府志與王卜子齊名尤工詩古文

順治八年

○據雍正志補

舉人知新昌縣多

惠政時大吏奉檄清查新昌浮糧亦堂考覈舊志條晰申覆雖因

兵革事寢未行而主持公道其編審保甲一秉至公縣人漆嘉祉

爲之記

○按記云民有田則有租有身則有役自古有之然古以賦爲更溥也吾邑兵荒之餘繼以疾疫戶口僅存者十之六七順

治中題豁額丁二千三百有奇里甲宜少甦顧十年一役奸胥計口斂錢雜泛差役又在條鞭之外役之苦也滋甚功令雖五年一

編奉行○者寡實惟以本圖之人補本圖之里謂之丁不過圖於是強族大家一甲或數百人疲里下戶一甲或三五人而額外增丁

反多題豁之數一千有奇民有奔走糜費之憂毫無所益里甲日消流亡日甚固其所耳康熙九年四明胡公來撫吾邑凡所以休

息愛養者無不得其道而里甲不均尤爲洞悉歲壬子期當填圖於是總料通邑之民然後爲之哀益凡圖有餘者務開之不足者

務併之其有軍民同戶瀆頑其里者又使之分姓營供不至相累

云○新調知臨川當閩寇蹂躪之後流亡未復田荒賦缺亦堂按昌縣志

數詳報力請蠲豁多方招來捐給牛種親勸開墾民漸復業有積年未完之數請展限帶徵以甦民困重新府縣學校葺廨宇修橋梁遷建城隍廟創立社倉義學纂修縣志篆刻臨川文獻百廢具舉遇歲科試親爲甲乙所賞拔多知名士行取主事終戶部郎中

沒祀撫州名宦

撫州府志

沈德金字積公

雍正志明湖廣按察使元六世孫○俞聲金撰傳號滋山高祖一定嘉靖丙戌進士歷官河南參

政抗直有聲

順治八年選貢生廷試授長蘆運判有惠政商民德之秩

滿當遷詣神祠保留者千人康熙十三年擢知陝之徽州時吳逆

倡亂經略莫洛率師入蜀至甯羌前鋒王輔臣與逆合殺經略反

戈相向徽距甯羌二百里經流寇殘破城中戶不滿三十德金自

九月抵任聞輔臣反命其子吉

○俞傳作兄子吉恆

至略陽偵之身率僚佐

登陴賊從閒道猝至城遂陷是年十二月十一日也賊帥王和尙

挾德金父子露刃索印德金以頸就刃曰甯殺我印不可得也或
令吉勸父降德金屬聲叱之奪賊刀欲自剄吉亦奪刀向賊羣賊
縛其手從吉腋下得印解以去時賊方務招來卒不殺錮之察院
中已而賊襲天水守者分攫民閒雞豕遂乘閒踰牆出積雪不辨
途徑走荆棘抵一土堡州民避難者留之已復遷透明巖再遷七
洞溝凡六載流離困苦一寄之詩十五年賊將王屏藩以漢中知
府啗德金稱疾篤卒不污十八年冬吉出覘賊遇副將岳鎮邦告
以始末岳歎異給引驗護歸歸里六年而卒

雍正
府志

馮名揚字穆生號溢園由部吏銓授廣西博白縣典史時流寇未
靖焚掠鄉落適知縣以公出名揚率鄉勇會防弁夤夜進剿身先
士卒殲其魁賊遁委署縣事縣處山陬一切因陋就簡不成體制
名揚署篆凡五年捐修文廟設立義學興利除弊洪纖畢舉去之

日士民建生祠祀之康熙四十四年年六十有六卒

家傳

馮選字顯生號篤庵縣學生性至孝家貧拮据奉養明季歲荒土寇四起父母適遇疾負匿山谷中躬自砍柴負米奔走醫藥親病皆愈及後居喪水漿不入口形如枯木每省墓如定省然依依不忍歸先是母疾篤思飴致之氣已絕由是祀必奉飴大哭聞者哀愴年九十同郡吏部侍郎仇兆鼇作序述其事子仁字天如改名天樹號補齋籍定海成諸生充歲貢

○按事實冊有云康熙壬午游京師爲四十一年當在貢

後

授永康縣學訓導年已七十有二矣三年請休歸雍正六年之

二月也事父最孝父病癰又病瘋竝焚香禱天泣請以身代所需

湯藥及浣滌垢穢一以身任乾隆元年知縣傅珏教諭章錫疇訓

導王時臨與其父選合造事實冊上之學使鄧鍾嶽以孝稱濟美

旌其門

馮孝子事實冊

王宗昌字文在○王氏譜傳字敬甫晚字文在世以詩禮傳家讀書不輟寒暑父

病痢百藥無效割股投劑而愈母病風朝夕扶持溺器必親滌○譜

傳凡二十餘年既歿廬墓空山每風雨輒悲號不已孫正嘗為武昌知事

亦以孝行著雍正志

袁象坤字元生弟象北字元辰○子銓撰行述號靜庵宏勳子茂英孫俱貢生幼

皆以孝聞兄弟七人同居三十餘載無閒言象坤任蕭山訓導○行

述丙戌大兵下江南兩浙總制張存仁課士嚴而有法以子鈞

為先王父門人先伯兩人相繼授廣文○原作為子鈞贈如其官象北

破號稽亭廩貢生任江甯府同知○貴据袁氏譜補贈如其官象北

居家雍睦嘗施衣振粟鄉里蒙惠○行述張存仁以建甯司李薦

之又製棉衣千襲以給寒者少時見江中渡艱因設田置舟鄉人

由是無病涉者所費不下千金○袁氏譜宏煜字子華事父茂科

母錢孝謹石步之變煜負母出母渴煜為求水兵卒至將刃其母

煜大呼以身蔽母母子俱遇害時初夏屍十日不變族子象北為

棺殮埋之置子銓康熙十七年舉人考授中書以詩義著名雍正志

田為之祀